

Sakspapir

Saksnr	Utvalg	Type	Dato
027/21	Kommunestyret	PS	08.04.2021

Saksbehandler	Arkiv	ArkivsakID
Bjørnar Fjellhaug	FA-X20	21/374

Førespurnad om deltaking i kommuneapell i samband med atomvåpenforbod

Vedlegg

Vedlegg - Hvorfor Norge bør signere FNs atomvåpenforbud

Framlegg til vedtak:

Saka vert lagt fram utan tilråding.

Kommunestyret i Austrheim støttar appellen.

Kommunestyret - 027/21 - 08.04.2021

KS - behandling:

Rådmann Bjørnar Fjellhaug orienterte om saka, som var lagt fram utan framlegg til vedtak.

Ordførar Per Lerøy la fram framlegg om å støtta appellen.

Handsaming i kommunestyret:

Samrøystes for å støtta appellen.

KS - vedtak:

Kommunestyret i Austrheim støttar appellen.

Saksopplysninger:

Bakgrunn

Kommunen ved ordførar har fått førespurnad frå Norske leger mot atomvåpen om å støtte kommuneapell mot til støtte for atomvåpenforbod.

FN-traktaten som forbyr atomvåpen vart deteken av eit stort fleirtal av FN sine medlemsland i juli 2017. Pr 4. februar 2021 har 86 land signert og 52 land ratifisert forbodstraktaten, og antalet er stadig aukande. Ein status finn ein og vert oppdatert på ICAN internasjonalt sine nettsider (sjå vedlegg til saka).

Atomvåpenforbodet vart iverksett i januar 2021. Alle aktivitetar relatert til atomvåpen er no forboden for alle statspartar i forbodet. Noreg deltok ikkje i FN-forhandlingane om forbodstraktaten i 2017, og har så langt vald å stå utanfor avtalen.

ICAN, den internasjonale kampanjen for å avskaffe atomvåpen er samansett av meir enn 500 organisasjonar og i over 100 land.

Ein har kome med oppmoding til Austrheim kommune ved ordførar om å vedta og støtte apellen. Apellteksten det vert beden om tilslutnad til er følgjande:

«Kommunen vår er djupt bekymra for den alvorlege trusselen som atomvåpen utgjer mot lokalsamfunn verda over. Me meiner at innbyggjarane har rett til å leve i ei verd fri for atomvåpen. Ein kvar bruk av atomvåpen, enten bevisst eller på grunn av feil eller uhell, vil ha katastrofale, omfattande og langvarige konsekvensar for menneske, samfunn og miljø. Derfor støttar me FN-traktaten som forbyr atomvåpen, og oppfordrar den norske regjering til å bli ein del av avtalen».

Pr 30.03.2021 har 46 norske kommunar tilslutta seg til apellen. Bergen, Trondheim, Haugesund, Voss, Vang, Oslo, Kristiansand, Tromsø og Risør er blant kommunane som har tilslutta seg apellen.

Vurdering

Saka vert lagt fram utan tilråding.